

黄庭内景玉经注 肺部章第九

<p>肺部章第九神仙刘长生解 肺部之宫似华盖，金经一部，绛官三问，威仪法相，清静修丹。下有童子坐玉阙，上清官畔，下有玉阙，大悲童子，默传金诀。七元之子主调气，七窍通灵，中明赤子，如龟喘息，海枯心死。外应中岳鼻齐位。华胥中岳，上阐天门，内明五帝，众圣齐尊。素锦衣裳黄云带，东西间隔，慧照中央，仙衣体挂，带现金光。急存白元和液气，白气盈中，元神寂闲，玉液相传，微妙无极。神仙久视无灾害，至真久视，佳趣观天，常常清善，物外无愆。用之不已形不滞。神人无形，与道同体，万物无拘，乘风而起。</p><p></p><p>下载本文pdf文件</p>